

ETHICA
VITÆ RATIO,
SEU
MORALIA VITÆ
INSTITVENDÆ
PRÆCEPTA,

Senariis acatalectis in studiosæ iuventutis
gratiam comprehensa:

PER F. LIBERTVM HOVTHEM
Leodium, Hieronymianæ Professionis,
Poëtam laureatum.

*His miscellanea quedam carminum
accesserunt per eundem.*



ANTVERPIÆ,
Ex officina Christophori Plantini,
Architypographi Regij,
M. D. LXXVII.

SVMMA PRIVILEGII.

CAutum est regio priuilegio, F. Liberto Houthem Hieronymianæ professionis, concessio, nequis alius præter Christophorum Plantinum, librum cui titulus est, *Ethica vitæ ratio, &c. ipso F. Liberto auctore*, imprimat, vel alibi impressum vendat hinc ad sexennium, sub pœna confiscationis librorum: vrlatiùs patet in litteris datis Bruxellæ xviij. Septembris, lxxvij.

Subsignat.

N. de Zoete.

IN PHILOTTON REPREHENSOREM.

*Si scirem quæ scire putas, te doctior essem:
Nam te quæ nescis plurima scire putas.*

057.1-1

EXIMIA CVM ERVDI³

TIONE, TVM VIRTUTE AC
RELIGIONE DOMINO, REVEREN-
doque in Christo Patri, Domino GVLIELMO
DVPAIS, amplissimi Florentiensium collegij
Abbati longè dignissimo, Domino suo ac Mæce-
nati perpetua fide colendissimo.



Es est, mi Pater & Mæcenas
omni studio colendissime, nul-
lis vnquam lacrymis satis de-
ploranda, quòd mortalium vul-
gus maiori studio in eam po-
tius curam; vt equi, canes, & alia id genus
bruta rectè curentur, incumbit: quàm vt iu-
uentus recta institutione ad bene beateque
viuendum componatur. Non moramur ple-
rique mortalium, quo studiorum genere sese
oblectet, qua morum consuetudine imbua-
tur ætas illa iuuenilis; quæ cum in biuio sit,
facili negotio huc atq; illuc impellitur. Quis
vel Heraclitus satis de flere, vel Democritus
ridere satis queat, supinam istam populi ne-
gligentiam, præposteram inquam hanc vul-
gi curam, qua nihil insulsius, ineptum magis,
maiori cum Reip. damno conuinctum, fingi
posset aut excogitari? Sunt certè qui hoc fa-
ciunt, aut sic cogitant, Anticyras (vt veteri
prouerbio dici solet) relegandi, vt qui Helle-

boro, nec eo sanè paucò, indigeant. Numquã ego in animum inducere potui, quòd sobrij hominis cogitatione vnquam vfi, existiment ortus sui partem aliquam ad Remp. pertinere, quod tamẽ omnibus persuasissimum esse, & diuinus ille Plato volebat, & rectus rationis ordo dicitur. Si enim animis ipsorum vnquam subit hæc cogitatio, cur illud negligūt ex quo maximus ad Remp. fructus redundare potest, ex quo publica pendet salus? An non disertè Hippodamus ille Pythagoreus fundamentum Reip. in iuuentutis educatione constituit, non dissimulanter professus, illam tanquam euerfa totius ædificij basi corruituram, si hæc negligatur? In confesso est, quod & eloquentiæ Romanæ princeps scriptum reliquit, libro De diuinatione secundo, nullum Reip. munus maius meliusq; afferri posse, quã si iuuentus rectè instituatur. Quid quod Horatius perpetuam felicitatem Romanæ genti precaturus, inter cætera,

Dij, inquit, probos mores docili iuuentæ

Romulæ gentis date?

Ad summum referre, vtrum sic an secus iam inde à puero assuescamus, scriptis prodidit, libro Ethicorum secundo, Aristoteles. Tales euadere homines, qualis est primæ ætatis educatio, scitè admodum Lycurgus Lacedæmoniorum legislator demonstrauit. Quis quæso pe-

DEDICATORIA.

so pestem multo funestissimam, omniumq;
suppliciis, (vt Sallust. & Tacit. loquuntur)
auertendam, non arbitraretur rebus immis-
sam mortalium, si videret homines in im-
manitatem belluinā degenerare? Atqui puer
quemadmodum rectē educatus diuinum
quoddam fit animal, ita perperam institutus,
aut neglectus, authore Platone, in immanis-
simam belluam, inaudita Ouidio meta-
morphosi, transformatur. In eo otium ne-
gotiumque consumunt omne, sursum, deor-
sum, cursitant, nihil intactum relinquunt, vt
possessiones possessionibus, latifundia lati-
fundiiis accumulēt, locupletandorum filio-
rū gratia; filios verò suos, quibus hæc omnia
tot parantur laboribus, planè negligunt. quo
quid stultius humana mens queat concipe-
re? Mentem certè illis à superis meliorem
precor. Eorum quidem quoties ineptiam a-
nimo pertracto, & ipsorum sortem quātum-
libet opimam, prorsus despicio, & minus mi-
hi nostrum *παρὰ τὰς ἀρχάς* pistrinum displicet,
quantumuis inexhaustis cum corporis labo-
ribus, tum animi curis, suos præfectos ita sol-
licitos detineat, vt ne scalpēdis quidem in-
terdiu auribus otium relinquat, noctu verò
quietis commodum interturbet, postquam
ab illa vulgi dementia nos longissimè sepa-
rat, quorum studia omnia, omnis opera, cura,

industiā, cogitatio, mens denique omnis, in eo fixa est, ut rudis illa ætas cum ad eruditionem informetur, tum probatissimis moribus excolatur. Huius functionis cum imaginem quandam nuper, aliquantulum orij nactus, rudi carbone delineassem: nihil absurdi me facturū arbitratus sum, si tibi, mi Pater, Mæcenas mi, meum columen, decus ac præsidium meum, Domine, inquam, præconiorum immortalitate dignissime, quicquid hoc & quantulumcumque erat, nuncuparem. Nam cui potius Musa nostra studere sudareque debeat, quàm illi, cuius vnus beneficio liberalitateque numquam satis laudata, hoc sibi contigisse, agnoscit merito, libentissimeque fatetur, imò non raro, neque obscure gloriari solet, ut in suauissimo literarum otio acquiescat, & liberiori, etiam dum difficillima sunt inter Martios tumultus Reipub. tempora, carmen meditari possit auena? Sui sibi Dionysij liberalitate plaudet Cyzicenus Helicon. Prædicet Antilochus accepta Lyfandro donante, versus ob pauculos, munera. Gaudeant quos Cæsarum ille primus Iulius, studiorum nomine, ciuitate donabat. Antonium cognomento Pium literarū charis nomine, prouincias honoresq; decernentem, manibus in tertium (quod aiunt) cælum, si fieri potest, euehant Rhetorum poetarumque

rarumque scholæ. Mihi certè vnus est DV-
PASVS, Præfulum huius æui decus haud
mediocre; qui si summorum illorum Principum
copiis opulentiæque superatur: propen-
sissimo certè in literas earumque cultores om-
nes, (si quid iudico) fauore non vincitur.
Ingratissimus sim omnium mortalium pro-
fectò, si non ipsius in me studiososq; omnes,
animum, studiumque tam multiplicibus ar-
gumentis testatum, totque cumulatam be-
neficiis, vt illorum numerum mihi inire dif-
ficile sit, non agnoscam, ac tibiis (vt in pro-
uerbio est) apertis celebrem decantemque.
Hos itaque versiculos ad elegantiorum mo-
rum honestamentum iter iuuentuti sternen-
tes, tibi mi Pater, tibi inquam, qui litera-
rum virtutisque cultoribus id semper quod
Diomedi Daunus, Alcinous Vlyssi, Euander
Æneæ fuisti, merito dicatos; qua soles fron-
tis serenitate suscipe: Patere obsecro tui ce-
leberrimi nominis titulum, opusculo huic
nostro veluti facem quandam præluere, &
me tuo nomini deditissimum clientulum;
quo tua consuevit dignitas fauore; comple-
cti perge. Candidiori certè me tum hostia
litasse puto, cùm me vel inter calunculos
tuos dinumerari sentio. Vale Musarum Pa-
trone; vale literarum assertor: atque vtinam
Deus opt. max. tuam amplitudinem instau-

8 EPIST. DEDICATORIA.
randæ pietati, bonisq̃ue litteris euehendis,
quamdiutissimè tueri dignetur incolumem.

Bruxellis è nostro Fratrum collegio, 8. Kal.
Oëtobres, Anno 1577.

*Tua in omnem vitam colendissima dignitati
longè deditissimus clientulus,*

*F. Libertus Houthem,
Leodius.*

E I D E M

EIDEM COLENDISSIMO⁹
 SVO MÆCENATI F. LIBER-
 TVS HOVTHEM.



FFENSVS nuper petulantis murmure vulgi,
 Qui minimè sacris vatibus æquus erat:
 Incepi Phæbum mastis vrgerè querelis,
 Hic sermonis erat sensus & ordo mei.
 Cur Latoe precor vates tua cura iacemus?
 An tua iam nullum numina pondus habent?
 Non ego me priscis compono vatibus, olim
 Quos Macenatis tempore Roma tulit.
 Sed quia vulgus iners fastu contemnit iniquo
 Hac aliquod nomen quotquot ab arte ferunt:
 Hinc ego flebilibus nectò mea verba querelis,
 Et moueor studio nunc minus ipse meo.
 Phæbus at excipiens iniusti verba doloris,
 Molliter hac mecum voce locutus, ait:
 An quia nos vani contemnit turba popelli,
 Aoniꝝ fugies numina docta chori?
 Optima nonne solet stolidum contemnere vulgus?
 Est pulchrum populo displicuisse rudi.
 Sunt alij procerum pars præclarissima, quorum
 Vnus pro multis millibus esse queat.
 Horum Pieria sunt vnica cura sorores,
 Hi sacra Gorgonei flumina fontis amant.
 Poela soporifera Lethes gustasse videris,
 Qui minus ingenio concipis ista tuo.
 Huic agè commenda facilis tua carmina vena,
 Qui FLOREFFIACÆ est Cænobiarcha domus.
 Ille fauet doctis doctissimus ipse Camœnis,
 Et sumptu Musas liberiore fœuet.

*Huc animi dudum fuerat propensa voluntas,
 Idq, tui facerem me stimulabat amor,
 O cui Præsul columen memorabile nostri,
 O mihi Mæcenat patris amande loco:
 Sed metui tam sæpe tuas nugacibus aures,
 Ovatum princeps, radere versiculis.
 At nunc Phœbei commotus numinis ore,
 Liberius quò mens me rapiebat, eo.
 Pulcher Apollo suum tibi cedit munus, & unum
 Musis patronum te cupit esse meis.
 Hac igitur capias vultu mea scripta sereno,
 Mutus pisce magis Zoilus omnis erit.*

M. AR-

11

M. ARNOLDI MOLANI
A LOEMEL AD BRUXEL-
lenses Prosopopoeia.

Sæpe tuas Bruxella vices deflere coëgit
Me meus ille tibi deditus vsque fauor,
Instituendarum ratio neglecta scholarum,
Quòd mihi non rarò visa iacere fuit.
Res nullo felix subsistet publica pacto;
Dicere si quod res postulat ipsa, licet;
Feruida nî iuuenum his formetur legibus ætas,
Docta pios mores, iustitiam que colat.
Quod gymnastica cùm possit præstare mathesis:
Curatam hanc omni sedulitate velim.
O Regum Bruxella domus, cur nomine tanto
Non agis vt quondam sit schola digna tibi?
Obtulit ecce tibi superi pia cura parentis
Quæ votis fuerant sæpe roganda tuis.
Contigit ecce tibi Libertus, laurea cuius
Cæsaris ornarunt munere sarta caput.
Ille tuam dextro moderabitur ordine pubem,
Imbuet & Latio Cecropioque sale.
Præstabit studio verè Libertus alacri,
Qui mira ingenij dextetitate valet:
Vt tibi sit ratio vitæ rectè instituendæ,
Qua fieri poterit commodiore via.
Addo quòd & facilem libro hoc deducit ad artem,
Discipuli mores officiumque boni.
Hunc igitur passis Libertum amplectitor vlnis;
Sitque velut diuûm munere missus, habe.
Est dignus certè quem quisque ad sidera tollat,
Antè minùs notum qui patefecit iter.

M. G E.

Ζῶγράφῳ οὗτ' ἄριστον, ὃς ἐν πνύκασιν χαράσσῃ
 Ατρεκέας μορφάς, ἔμπνοα διεκκομένους,
 Οὐχ ὅς χρώματα πολλά καὶ ἔυχρος μάψ' ἐπιμίξας,
 Οὐρ' δένδροφόρον δειλνυσιν ἐκ πίνακος.
 Καὶ σιβαρὸς ἰεσρατὸς, καὶ ἀρήϊον ἀντὶ καλοῖο,
 Λαμπρὸς ἐμοιγὲ δόμον δούτερ' εὐπαγέον.
 Οὕτω μισοπόλον πάντων πολυφύρτατος ἀνὴρ,
 'Εὐαγία γράψας ἐν πνύκασιν ἔπη.
 Παντοδαπὴν παιδείαν κ' ἠθεα κεδνὰ διδάσκων
 Δῶρον ἄγων ζῶης ἐλπίδα λαμπροτέρης.
 Οὐ περὶ ἀνδραγῶν, ὃς πολλὰ ἰτώσια βάζει,
 Μαψιδίκε ἰε λόγους ἐν σανίδεσσι γράφων.
 Νῦν ἐπέεσιν ἐμοῖς νέοι ὑποκλίνετ' ἀκυήν,
 Βάλλετε μῦθον ἐμὸν ἐν φρέσιν ὑμετέραις.
 Πλασθῆναι ἀπαλὰς φρένας ἠθεσι κυδαλίμοισι
 Σπεύδετε, τῆς ἀρετῆς ἐδὼλὰ διδασκόμενοι.
 Μείλιχον, ἠδ' ὑπερὶς Λιβερτὸς πάνσοφον ἀνὴρ
 Δείνον ἔπ' κ' ἀγαθὸν γράφε, καὶ ἐλλόγιμον.
 Τῷτο λόγων κλέος ὑμῖν κ' ἀγλαίην συνάγειρε,
 Τοῖς ἐπὶ πολλ' ἐμόγνης αἰμαὶ χαρίζομενος.
 Πολλ' ἀρετῆς ὡς κ' εὐσεβείης παιδεύματ' ὁπάσσοι,
 Πᾶσι μὲν εὐμενέων τοῖς τελέθουσ' ἀγαθοῖς.
 Τοῦτ' ἐνὶ χέρσιν ἔχειν χρὴ καὶ κατὰ νύκτα καὶ ἡμαρ
 Εἰ μετὰ κῦδος ἐραῖς, καὶ πολὺν ὄλβον ἔχειν.

EIVSDEM EPIGRAMMA.

13

MORIBUS ornari vultis pueri, atque Minerva
 Dotibus? huc audio pectore ferte pedem.
 Vos quibus ingenium, & melioris temporis ætas
 Munera Musarum carpere sacra dabunt.
 En Latia carmen cecinit testudine Vates,
 Quod pariter vobis munus utrumque dabit.
 Sunt hæc magna satis (me iudice) munera: si quis
 Parua tamen credit, sufficiuntq; minus,
 Ibit ad authorem, mox discet forsitan esse
 Plus satis id, sibi quod non satis esse putat.

IN MOMVM ÆMILIVS, SVB
 AVTHORIS PERSONA.

SIC mihi liuor iners seruare silentia semper
 Præcipies, dentes & trepidare tuos?
 Quæque vibras in me scelerata spicula dextra,
 His latus opponi cogere inerme potes?
 Iusta nec impendi patieris verba dolori?
 Deque manu excuties vindice tela mihi?
 An quem tu lædis manifesto crimine, victum
 Hunc nihil in viuis credis habere loci?
 Quem semel infami rosisisti dente, negabis
 Præsidij huic quidquam in vatibus esse bonis?
 Falleris, ah, non est liuor tua tanta tyrannis,
 Munera ut in vatum sceptrâ tenere queas.
 Quin nisi compefcis rabidum, vesane, furem,
 Esse meas validas experiere minas.
 Nec meus in longum tempus dolor ibit inultus,
 Causa tibi centum vulnera mortis erunt.
 Sunt mihi complures lectissima corda Poëtæ,
 Quos & idem studium iunxit, amorque mihi.
 His, mihi credo, dolor iustissima causa doloris
 Noster erit, properat funeris hora tui.

EIVS-

EIVSDEM EPIGRAMMA.

EN prodiit lepidus tibi Libellus,
 Quem fecit columnen tuum, Iuuentus,
 Libertus facili Poëta vena,
 Lingua gloria Dorica & Latina;
 Libertus pater elegantiarum,
 Dulcis Pieridum comes Sororum,
 Fons vberrimus eruditionis,
 Insignis moderator is iuuenta,
 Et sidus patriæ suæ coruscum.
 Auctori ut decori est suus Libellus,
 Sic Auctor decorat suum Libellum.

EPIGRAMMA D. ET M. SE-
 BASTIANI PAVNELLII A QV EN-
 sis, ad Libertum Houthenium, de ipsius
 libello, cui titulus *Ethica vitæ ratio*.

HVnc ut perspexi (dictu mirabile) quanta,
 Perlectus, nobis dexteritate placet!
 Edocet omnigenam nitidissima dogmata pubem,
 Continet innumeras ille Libellus opes.
 Si quisquam Orator bonus est, idemque Poëta,
 Delitium Graiæ Palladis & Latine,
 Hic ille es nobis, quem de tot vatibus vnum
 Nostra sibi fieri Musa præoptat herum.
 Nostra tuo tantum demulces pectora cantu,
 Quantum Virgilius, Naso vel ipse solet.
 Exponis Ciceronis opes, gemmasque Maronis,
 Hællæi vatis pleetra sonora refers.

Obuius

Obuius à teneris tibi Phœbus, & obuia Pallas,
 Quæ tua Castaliis ora rigauit aquis.
 Blanda tibi sacræ nudarunt vbera Musæ;
 Pauertunt Charites, Mercuriusque pater:
 Qui canis arguto dulcissima carmina plectro,
 Pieridum docto carmina digna choro.
 Visa Camœnarum tibi florida prata, supellex
 Tota Poetarum conciliata tibi.
 Cecropio dulces mihi distillare videris
 Ore fauos, quoties verba diserta sonas.
 Nam velut apricos mullans apis inuolat hortos,
 Vt sibi collecto poplite mella legat,
 Floribus instrepitans crebro thyma dulcia morsu
 Vellicat, vt dulces exprimat inde fauos:
 Sic varias lustrans pernox & perdius artes,
 Colligis ex omni sensa profunda libro.
 Sensa profunda legis, studiosa indagine voluis
 Quidquid Apollineæ pagina frugis habet.
 Nil nisi Pierides, Charites, nisi Pallada, Phœbum
 Et spiras cælum, nectar & ambrosiam.
 Cynthus vt cælum depulsa nube serenat,
 Floribus vt vernis exhilaratur humus,
 Vt somni atq; dapes hominum corpuscula pascunt:
 Ars tua sic animum recreat & reficit.
 Insignes genuit tellus Leodina poëtas,
 Verùm te nemo vincet in arte tua.
 Exornas patriam, teneram informando iuuentam;
 Duritiem morum, barbariemque domas.
 Tu teneros semper (veluti facis) imbue fœtus,
 Vt Samio dextrum vate sequantur iter.
 Qui seruire Deo teneris incepit ab annis,
 Hac æuo perget vel grauis ire via.

Macte

Maſte animo, maſte ingenij virtute, parato
Immortale tibi nomen, & aſtra poli.

Aurea & ingenij vena iſthac vtere, quaſo,
Liberte, ingenij ſtat ſine fine decus.

Quid prodeſt domini vel quantulacumque talenta
Deſodere? eſt ſanè Muſica operta nihil.

Viue nouenarum decus atque corona ſororum,
Viue, vale, patriæ ſpesque decusque tuæ.

MORA-

17

MORALIA VITÆ

PRÆCEPTA,

PRÆFATIVNCVLA PARÆ-
NETICA. AD LEGVM ISTA-
RVM AMPLEXVM.



*Ti caballus spiritus efflans graues,
Huc ruit et illuc impetu praeceps vago,
Recti relicto tramitis vestigio,
Ni sit lupatis domitus, ac calcaribus:
Sequitur inuentus sic licenter insolens,
Virtutis incluta relicta semita,*

*Quocunque ducit error illam deuius,
Ni colla legum det premenda vinculis.
Proinde flectas huc inuentus lumina,
Edicta vita dum gerenda profero,
Ne nesciens quo vita agenda sit modo,
Laxis habenis, huc tuo pergas malo,
Vitiata quò natura nos pronos rapit.*

SOMNO NIMIO NON INDVLGENDVM.

HOc esto primum. Cùm rubebit Memnonis
Parens, diurno solis astro prauia,
Tum, cùm propinquum lucis ales nunciat
Adesse tempus commodum laboribus:
Valere inssa protinus torpedine,
Relinque inertis plumeum nidum thori.

B

Siquidem

*Siquidem sopori quod datur tempus, perit,
Jam recreatis viribus corpusculi.*

*Necessitati (ne breui corpusculum
Si careat alterna quiete languidum,
Grani fatiscat sub laborum pondere)
Parere debet, non voluptati sopor.*

*Finitionem si soporis expetas:
Hunc esse vere dixeris mortem breuem.*

*Quid quaeso differt dormiens à mortuo?
Vterque certè corporis sensu caret.*

*Vterque mortis liberatus vinculis:
Vita resurget ad fruenda munera.*

*Sed dormiens citius resurget mortuo.
Si iure somnus ergo mortis dicitur,*

*Quam sic abhorret quilibet, vocabulo:
Manifesta nunquid mentis est, vesania,*

*Amare quod natura prorsus horreat?
Amare quod sit tam tua contrarium.*

Vita, diurno quàm tenebra lumini?

*Prestantis optas corporis formam, cui
Verenda tradi sceptrum non sit indecens:*

*Hanc Marcus inquit Varro non contingere
Illis, sopori qui vacant licentiis.*

Si mentis optas perspicacis indolem:

*Idem sopori non vacandum censuit,
Libro educandis scriptus est qui liberis.*

Revolve mente factitare quod solet

*Sophus, ἀειρώμενος predicare quem Plato
Non inuenusto consuevit nomine.*

*Doluisse fama testis est Demosthenem,
Si victus esset opificum solertia.*

Non esse dignum deputabit, sordidi

De pila A-
ristorelis
plumbea.

Causa

*Causa lucelli, plebs prophanis artibus
 Maiore mentis impetu sit dedita:
 Quam nos honestis artibus, quas, libero
 Quod homine digna, liberales dixeris.
 Natura somno congruum per ordinem
 Obscura noctis consecrauit tempora.
 Hoc voluit inquam summus omnium parens,
 Dies labori, nox quieti seruiat.
 An non videmus, cum polo Thaumantias
 Nocturna sole pellit orto lumina,
 Pietas volucres cum feris, relinquere
 Latebrosa noctis protinus cubilia?
 Imò diurnos anteuertunt sideris
 Solaris ortus, quos adorant supplices
 Barrihi, nec hominem iam pudebit stertere,
 Phoebea donec lampas altos atheris
 Scandens gradus, horam reducat septimam?
 Si vera vatis exulis sententia est,
 Qui nocte tota sustinet quiescere,
 Somnumq; magni pramij ducit loco:
 Notandus infelicitis est cognomine.
 Non ergo magnam nos diei & optimam
 Qui portionem desidi somno damus,
 Notam probrosi nominis merebimur?
 Asellus iste corporis stimulandus est,
 Vt excitare consuevit ad preces
 Vxorculam Tobans ille iunior.*

QUID SVSCITATVM
 FACERE DECEAT.

IAm suscitatus quid facessas accipe:
 Summum fideli mente numen innoca,

Cui memento gratias persolvere,
 Quod prosperam noctem tibi concesserit.
 Precare solem sempiterni luminis
 Cuius creata cuncta viuunt munere,
 Qui lumen adfert introgressis limina
 Huius theatri, quod refusus circuit
 Gurgis patentis aequoris latissimè,
 Illuminare mentis vt noctem tua
 Dignetur, atris ne tenebris obsita,
 Impingat, & se criminum nocentium,
 Diuina violans iura sacri fœderis,
 Abominandis sordibus contaminet.
 Nam quisquis huius luminis caret face
 (Est tanta nostri generis imbecillitas)
 Denfissimismersus tenebris, deniam
 Totum sequetur semitam per athera.
 Est quem salutis cura tangat propria,
 Summo placere gestientem numini,
 Dum pacta sacri fœderis facessere
 Manuum studet pedumq; fretus viribus?
 Ni Phœbus iste prœniam gestet facem:
 Verbum salutis non queat vel proloqui,
 Multo minus patrare facta fortia,
 Quibus meremur templa sancta calitum.

QUID AD DEVM INVOCANDVM NOS EXCITARE DEBEAT.

NArrationis rectus ordo postulat
 Doceat sequenti nostra Musa carmine,
 Quid ad innocandum te mouere debeat
 Rerum parentem coditarum maximum.

Oportet

Oportet alta mente tecum ruminare
 Tui potestas conditoris quanta sit,
 Qui cuncta nutu procreavit unico,
 Sedile cuius tota calî machina est,
 Pedum scabellum terreî moles globi.
 Deinde quàm sis vile plasma, fictili
 Tellure veri quod quidem Promethei
 Fecit voluntas, igneus cui vigor
 Infusus, ipsi numini par fecerat:
 Verùm quod aures admonendo credulas
 Stygiæ paludis execrando demoni,
 Sese sub omnes bestias deiecerit.
 Misera nostra quanta sit vita: satis
 Quovis die demonstrat experientia,
 Dum mille semper cladibus circumdatur.
 Huic immorari sed lubet diutius.
 Id Lucianus exprimit feliciter,
 Momenta vitæ comparans mortalium,
 Vacuo tumori, qui per vndam visitur,
 Stridente terras appetit cum turbine
 Nimbis, sonoris profluens è nubibus,
 Ut cum procellas excitant Atlantides,
 Homerus illam cogitans angustiam,
 Qua nempe nostra vitæ circumscribitur:
 Homines caducis comparavit frondibus.
 Sed vicit illum, Fabio cui iudice
 Lyricos poëtas inter omnes Græcia
 Debet supremam gloriam poëseos,
 Ut nemini Flaccus putet imitabilem,
 Dum nos inanis somnium umbra dicitur.
 Hinc ille, Marcus quem putavit Tullius
 Tot esse vatem nobilem sententiis,

In Cha-
nate.

Glaucus
apud Ho-
merum
Iliad. 6.
Pindarus.

Locus est
in Pythiis
hymno 2.

Quot

Euripides
apud Plu-
tarchum.
Non iniquus
quar, sed ci-
tius Χρῆστος
dicere de-
buisse ait.

Quot verba tragico comprehendit carmine:

Felicitatem, si qua sit, mortalium,

Vnius esse dixerat diecula.

Sed censor illum vellicat Demetrius,

Diem quod vnum dixerit, qui verius

Dixisse punctum debuisset temporis,

Quid quod Poëta fabulis delineant,

Vitam sororum de colo fatalium

Pendere nostram, sen tyranni Lydij

Opibus, (quibus se ter beatum credidit)

Simus superbi, sen binominis grauem

Feramus Iri pauperes molestiam?

Vllo nec esse dispares discrimine,

Nisi grauiore quod tumultu decidat,

Sublimius quem sustulit Rhamnusia,

Cum stamen occans Atropos ductum secat?

Hac fortè ridet quispiam, poëtici

Accommodandam fabulis negans fidem,

Sed ille nugo quisquis est, circumferat

Quocumque tandem collubescit lumina.

Videbit ista, luce Phœbi clarius

Cum spatia medio cali in axe diuidit,

Que fabulis produntur exhiberier.

Libitina nunquid quos eo videras

Surgente Phœbo, viribus pracellere

Qui posse fortem crederentur Hectora,

Phœbo cadente condit vrna flebili?

An non id ipsum scena rerum perdocet,

Spektare cuius exitum desiderant

Miseranda quotquot Belgij tellus alit?

Exempla gentis ut vetusta negligam.

Tot vitæ nostra cladibus circumdatur,

Menan-

Menander ille ut dixerit verissimè:

Οἱ οἱ θεοὶ φιλοῦσιν ἀποθνήσκειν νῆες.

Et rursus ille, quem Molossi dum redit

Ab Archelai regio conuiuio,

Immanitate dissiparunt dentium:

Εγὼ τὸ μὲν δὴ παρταχῶ θρυλλόμενον,

Κράτιστον εἶναι φημι, μὴ εἶναι βροτῶ.

Affligit atqui quo magis necessitas,

Urgentibus periculorum casibus:

Hoc sunt magis Dei vocanda numina.

Ut vulgus affert maximam vim fluminis,

Ubi maxime Vulcanius sauit furor:

Tum maxime caelestibus vota faciunt

Qui profluentes aquoris fulcant vias,

Cum fracta malus, linteis cadentibus,

Sursum deorsum prora, puppis, voluitur,

Tabulis relisis vnda cum nauim occupat,

Nec iacta quicquam praesidi fert anchora.

Sic nos profecto, negligas ut cetera,

Necessitas deberet ipsa reddere

(Ut publicum prouerbum sonat) pios.

Euripides

Q V I D D E I N D E I V V E N I

A G G R E D I E N D V M S I T .

DEinde veram cum tibi persuaferis
Bello potentis Herculis sententiam:

τὴν χεῖρα προσφέροντα τὸν θεὸν καλεῖν.

Et rursus illud Aeschyli dinerbium,

Φίλει δὲ τῷ κάμνοντι συσπεύδειν θεός·

Manus labori tempus est aduoluerè.

Ut terra siquidem, quamlibet sit fertilis,

B 4

Si ne-

*Si negligatur, pressa lolij pondere
Nullam reducit rustico messem gregi:
Sic & iuventus comparatam mentem habet,
Vt ni bonis statim imbuatur artibus:
In quodlibet praeceptis eat sceleris genus,
Quod maxime contingit his, quos maximis
Res ipsa natos testis est virtutibus,
Neglecta ni fuisset educatio.*

Socrates.

*Hinc haustus ille quem cicuta sustulit,
Rase tabella comparabat schemati
Aetatis annos lubrica rudes, quod his
Quaecunque tandem facile sit committere.
Humanus animus non potest quiescere.*

Aristoteles:
Mens vagatur
in perfectum.

*(Humana mens, Stagyrenus ut senex docet,
Semper vagatur appetens perfectius.)*

*Hunc ergo si non occupes rebus bonis:
Ubi semel cupiditate se mala
Deiuxerit, necesse consilia sequi*

In Heaut.

*(Vt author est Terentius) simillima.
Si forte quæris quem putem vel maxime
Tibi laborem persequendum: dixerò.*

PRÆCLARE FACERE ADO-
LESCENTES QUI A TENERIS STA-
tim annis ad litteras animum
appellunt.

Π *Asdēia nuper Lucianum dum lego,
(Humanitatem quam Latini nominant)
Occurrit, atque collocuta, splendida
Orationis inquit inter lumina,
Hoc vsa verbo, quo solet dum paruulos*

In disci-

*In disciplinam suscipit tyrunculos.
 Si tu paratum legibus pectus meis
 Adfers, nec huius te magistra poenitet:
 Praclara veteris gesta monstrans saeculi,
 Aetatis huius te leuabo tedio.
 Aetate sis quidem puer, sed pectore
 Plusquam senili peditus, discrimina
 Vitare possis qua iuuentam distrahunt.
 Deinde pulchris excolam virtutibus,
 Quod te supremis proximum Diis facit.
 De mente qua tu bestiis praestas loquor.
 Pietate vera te Diis gratissimum,
 Modestia te cinibus charum tuis,
 Prudentia tutissimum inter asperos
 Casus, rotant humana qui gyro leui,
 (Neronis ille cen magister dixerat)
 Reddam, breuique te docebo tempore
 Sic, ut beatum diuitemq₃ praedicent
 Vno ore cuncti, maximis honoribus
 Te prosequentes, laudibusq₃ maximis.
 Primum tibi locum relinquent quos genus,
 Et quos in arca conditus πῦρτος beat.
 Quacunque de re verba tandem feceris:
 Omnes hiantes audient, ut Delphicum
 Oracla numen cum refert petentibus.
 Peregrina visas orbis et sic climata:
 Ignotus haud vnquam tamen versaberis
 Egens, famisq₃ triste pondus sustinens,
 Certatim amicum te sed omnes expetent.
 Tali beatum filio dicent patrem,
 Imo supremi funeris post tempora:
 Adesse doctis & bonis non desines.*

B 5

Demo-

Seneca.

Demosthe-
nes fabii
filius.

*Demosthenes quo patre sit natus tenes,
Meaq; rursus quantus opera euaserit.
Palpare propter me solet pauperculum
Totius orbis rex Philippus Æschinem.
Quid multa? quis vel cæcus id non perspicit
Hos optimè facere, vacant qui litteris
Ætatis à tenellula cunabulis?
Felicитatis esse supremum gradum
Studiis vacare dictitabat Socrates.*

PRÆCEPTORES COLENDI.

Inuenalis
Sat. 7.

L*Udi magistrum consecutus, filij
In hunc amorem sedulo fac induas,
Et is vicissim te velut parens amet.
Gradus hic ad eruditionem est maximus,
Perinde nec quidquam officit discipulis:
Ac efferata pectoris libidine
Odisse, quo docente discunt litteras.
Quis curat eius dicta quem non diligit?
Satyrographus maioribus vult optimè,
Sancti parentis qui volebant ut loco
Præceptor esset, quod sibi persuaserat
Pellens ille totius mundi tremor.
Indignus ut qui viuat, æstimandus est
Qui non colit suos parentes, à quibus
Habet quòd aura vescitur celsi ætheris:
Indignus esse sic videtur litteris,
Antistites qui litterarum non colit.
Natura nostris comparauit moribus,
Ut hos amore prosequamur mutuo
Qui nos amant, beneficiisq; nos inuant.*

Sunt

*Sunt ergo in re diligendi maximo
 Qui nos docent, ut optimum qui munerum
 Donent alumnis manus, atque maximum.
 Veteris reuolue cuncta scripta saculi;
 Videbis illos maximos euadere,
 Rectè magistris qui suis obtemperant.
 Siculus tyrannus cum Platoni diceret,
 Hoc ense quidam demetres tibi caput:
 Xenocrates qui fortè tum praesens erat,
 Nemo, inquit, eius demetres ferro caput,
 Caput bipenni ni reuellat hoc prius,
 Vitam paratus pro magistro fundere.
 Quid ergo nos qui Christiano dogmate
 Ad summa cali praeparamur arua;
 Doctoribus debere nostris crederes:
 Cum tam pijs sint in magistros ethnici?*

P R O B I T A T E M I V N G E N -
 D A M L I T T E R I S.

AD consequendas litteras multum facit
 Amor magistri, quas parum sit consequi,
 Ni pectus ornes moribus lectissimis.
 Praestaret imò te carere litteris,
 Humanitatem si velis contemnere:
 Habere pectus Delphico quàm numine
 Plenum, os disertum, nobilem stylo manum.
 Qui doctus est & improbus, non admodum
 Furcense differt, mucro cuius in manu est,
 Quo possit omnes obuios inuadere.
 Non sic nitentis coccineus pannus toga
 Spurcissimis contaminatur sordibus,

(Ceu dixit olim Plautus ille Comicus)
Vt collinunt doctissimum mores mali.
An non habetur omnibus ludibrio,
Qui se professus musicum, cantat malè?
Aut qui Palamonem professus Rhemnium,
Latina nullo verba nectit ordine?
Exibilat ur omnium sic scommatis,
Humanitatem qui professus, nil habet
Humanitatis in scelesto pectore.
In litteris qui promouet, nec efficit
Vt moribus pectus niteat optimis,
Cancrina certè figit hic vestigia,

QVIBVS CVM HABENDA

SIT CONSVETVDO.

F*Rustra docet vitare frondes, qui simul*
Vitare silvas sedulo non precipit.
Frustra viderer sic docere toxica
Vitanda morum, ni simul quonam moda
Possint cauere ex me inuentus audiat.
Non est nihil, quod vult vetus parœmia,
Animantibus non admoneri illis manum,
Quibus atra dorsi cauda spinam terminat.
Volebat hoc antiquitas prouerbio
Conuictu ab improbo suos deducere.
Nam quisque talis qualium commercia
Sequitur, esse consuevit, nec magis
Ab improborum liber est contagio,
In improborum qui vagatur semita,
Quàm si per ignes astuantes ingredi
Quisquam velit, nudis tamen vestigiis,

Furentia

*Furentis ignis liber est ab impetu.
 Venena serpens non potest absentibus
 Afflare, quare si sapias nocentius
 Serpente quovis improbos vita malum.
 Sophus ille secum qui ferebat omnia,
 Ingens adire credidit periculum,
 Qui se marinis fluctibus committerent,
 Ingressi easdem cum nocentibus rates,
 Quod saepe summus vindicti Deus manu
 Causa malorum puniat bonos simul.
 Aesopus ille fabulator, ludicro
 Celavit istud fabula sub cortice,
 Narrationis hanc fecutus formulam:
 Volucris tendebat auceps retia,
 Quo se volucrum vis agebat maxima,
 Delusa cantu provocantis aucupis,
 His involuta cum foret ciconia:
 Pietate sese predicare maximam
 Coepit, parentes quae senili pondere
 Fessos iunet, nec inferat cuiquam malam.
 Respondit auceps talibus: prestare te
 Pietate summa (crede) non sum nescius,
 Volucris sed capta cum nocentibus,
 Multare collo quas retorto cogito,
 Poenas easdem quas dabunt illa, dabis.
 Strictis necandum corpus offert ensibus,
 Qui se malorum dedicat consortio.*

V E S P E R I S V B D V C E N D A

V I T A E R A T I O .

C*um Phœbus alto merget oceano caput,
 Tali dies claudendum est catastrophæ*

Bias.

Fac ipse tecum supputes quid feceris,
 Quid dixeris, quid mente tractaris tua;
 Toto diei præteracti tempore.
 Admissa si qua perperam deprnderis,
 Deum rogabis ut remittat supplici.
 Si laude dignum quippiam perfeceris;
 Deo memento gratias persolvere,
 Ut somnus opprimat vacantem talibus.
 Veterum sophorum factitabat hoc schola;
 Vera salutis qui inbar non viderant;
 Quibus foret turpissimum concedere,
 Qui Christiani nominis palmam ferant.

Pythago-
 ræorum con-
 suetudo.

ΑΝΑΚΕΦΑΛΑΙΩΣΙΣ ΤΩΝ ΜΟ-
 ΝΟΤΙΧΩΝ ΠΡΑΞΕΩΝ.

Gerendus est aequissimis mos legibus.
 Vacare somno longiori noxium est.
 Luci dabunt exordium preces pia.
 In litteris vita terenda est portio.
 Est in parentes Diis amor gratissimus.
 Ludi magistros aequitas inbet coli.
 Mores oportet litteris coniungere.
 Ornant iuventam sancta contubernia:
 Contra, iuventam societas perdit mala.
 Oportet ipsum vespere te iudices.
 Est deprecanda culpa si quam admiseris.
 Linguenda vitæ palma non est ethnicis.
 Musas perenni iunxeris tibi fide,
 Omnique dignus gloria censeberis,
 Nihil suprema gratius t' numini,
 Tibi tota vitæ si his agatur legibus.

ΤΕΛΟΣ

IN NA.

31

IN NATALEM REDEM-

PTORIS HVMANAE CON-

DITIONIS IESV CHRIS-

TI ORATIO.



I quibus eloquij fuit aurea vena Poëte,
*M*œniis vsi fidibus, grandiq; cothurno,
*C*omica futilibus cecinerunt ludicra nugis:
*C*ur ego si faueat mihi carminis auctor A-
Turpe rear, mota testudine dicere carmen, (pollo,
Vtilis ut placido resonet modulamine cantus?
Pugnantes docto cantauit carmine ranas,
Diruta qui scripsit Graiorum Pergama telis,
Smyrnaus rerum sapiens speculator Homerus.
Andinus culicem celebrauit carmine vates,
Inuitat volucres teneri praeceptor amoris,
Alicis in rara miserum diuertere funus.
Detinet attentas numerosus Horatius aures,
Nata falerna probans vdi prope Tyburis arces,
Obscurosq; locos agrestis & otia vita.
Lasciuo placuit passerculus ille Catullo.
Expugnata canit Lethaei moenia Regis
Claudius, atque sua viduatum coniuge Ditem.
Puppis Iasoniae, Scythici qua Phasidis oras
Ausa sequi, fulua spolians vellera lana,
Insigni cantat Flaccus praconia versu.
Denique si numero satagam comprehendere, quotquot
Aurea lasciuis tribuerunt tempora nugis,
Cum Latio tamen & Graio sermone disertis
Vtilibus doctè confundere dulcia possent:
Tam facili cura numerum complectar arena,

Qua

*Quæ iacet æquoreo, ventis agitanda, recessu.
 His igitur tantum tribuit si docta vetustas,
 Crederet ut sacro perflatos numine, quando
 Lascino resonas agitabant pollice chordas:
 Quis mihi det vitio, moueam si carmine plectra
 Annua dum recolo sacri miracula partus?
 Quem vel Stentoreo latitent in gutture lingua
 Tot mihi, quot foliis æstino tempore vernant,
 Silua, non possim meritis celebrare triumphis.
 Aspera me nunquam Musa docuere sub antris,
 Oscula nec Phœbus nascenti dulcia fixit;
 Attamen audentes quoniam fortuna subinde
 Pronehit, & Eoliis concedam carbasia ventis.
 Si labor iste tamen careat successibus: oro,
 Rebus ut in magnis voluisse sat esse putetis.
 Sed quid circuitu profunt exordia longo?
 Nil mihi cum Musis, vanus discedat Apollo,
 Hac alium siquidem Palinurum cymba requirit.
 Huc ades ergo tui genitrix & filia nati,
 Huc hominum Spes una veni, Spes una Deorum,
 Alma parens, salua qua virginitate, salutem
 Optatam per tot peperisti sacula mundo.
 Si tua submisso veneramur numina vultu,
 Si te post natum primo dignamur honore,
 Huc ades, & cæptos præsentis numine cursus
 Dirige, nutantem rege per vada carula puppim.
 Huc ades, & tenera moueas sic organa vocis;
 Ut cæpto de te possim superare labori.
 Viderat hic vno qui condidit omnia nutu,
 Viderat astrifero qui despicit æthere, quicquid
 Marginibus vasti complectitur orbita mundi,
 Quicquid multipara Telluris viscera celant,
 Quicquid*

Quicquid apud Stygiam degit sub Dite paludem,
 Viderat huc, inquam, Phlegethon ubi sorbet arenas
 Ardentes, animas diuino semine natas
 Certatim properare, petens ut flebilis orcum
 In glunem Stygi satiare prada leonis.
 Hac mala tartarei perfecit sibilus hydri.
 O nostri generis nimium malè credula mater,
 Quàm malè tractasti miseros primaue nepotes,
 Cum sacra demorsò violares fœdera fructu.
 Tantum lethifera poterant contagia culpa.
 Ingenito tandem Dominus succensus amore,
 Nobile prosequitur manuum quo plasma suarum,
 Hac alto secum repetit sub corde volutans:
 Ergone pallentes Erebi descendet ad umbras
 Perpetuò, nulla reparabilis arte, nec ullo
 Tempore persoluet primi commissæ parentis,
 Quem decuit veteres calce reparare ruinas?
 Ergone pars operis quæ perfectissima nostri
 Debuerat vacui replere sedilia cali,
 Corruet æternum Stygias crucianda sub undas?
 Ergone de misera cantabit gente triumphum,
 Qui nostros quondam stultè sperauit honores?
 Hoc superet potius, sancto quod semina calo
 Ducit, & æternum cognoscit mente parentem.
 Deponam potius iustas placabilis iras.
 Est mihi nam proprium misereri semper, & vltro
 Supplicibus facilem concedere vocibus aurem.
 Quid faceret? iusto plectebat facta furore
 Impia, primæum damnans Astra a parentem.
 Ille parum gratus paradisi cultor amœni,
 Dignus erat tota cum posteritate perire.
 Sed victus flexit iuris decreta seneri,

C

Cui

Cui mare velinolum, cui tellus paret, & aether.
 Hoc siquidem populi tactus pereuntis amore,
 Accitum tali natum sermone moratur:
 Ipse vides, etenim mecum simul omnia nosti,
 Quam numerosus eat populus sub tartara, nostri
 Hostis ut exaturent odium, quo feruet, ab alto
 Ethere deiectus postquam cum fratribus, imum
 Corruit in barathrum, violenti fulminis instar.
 Ast ego nunc hominum sortem miseratus acerbam,
 Illorum statui concedere fletibus aurem:
 Ut quos victuros semper, superisq; creatam
 Penè pares, diuini tandem reuocentur ad oras:
 Sed tamen ultricem nullus mihi molliet iram,
 Qua potui totum disperdere funditus orbem;
 Nisi tu mortali vestitus carne, supremum
 In cruce supplicium subeas, pro fontibus insons.
 Hac mea (non dubito) dum pectore quisque reuoluit
 Dicta, parat secum multis rationibus uti,
 Et quarit, cur aligeris de fratribus unus
 Non potius carnis diram sub imagine mortem
 Pertulerit, instam patris leniret ut iram.
 Sed pater ut memores magis, ac maioribus arctos
 Vinciret meritis homines, qui cuncta piaret,
 In terras summo natum demisit olympo:
 Hunc, inquam, natum quem non effuderat vlla
 Vel dea, vel solito mortalis femina partu:
 Ipse sed aeterna genitor conceperat illum.
 Aeternum, aeternus (dictu mirabile) mente.
 O pietas immensa Dei, quam nulla tacebunt
 Secula, venturi deduētis orbibus aui!
 Iam nos lethiferis mors circumuoluerat atra
 Cassibus, obsecos iam nos torrentibus orcus

Impe-

Impediebat aquis, Stygia iam compede vincti
 Hærebant homines, & tu pater optime, natum
 Qui nos formarat reparandi plasmatæ ergo
 Mittis, ut occumbat ligno suspensus ab alto.
 Vicerat inferni quondam dominator Adamum,
 Per lignum, ligno quem nunc succumbere fas est.
 Annuit æterno soboles æterna parenti,
 Annuit, & nptu totum recreavit olympum.
 Nam velut inferna crudelia monstra paludis
 Exitio gaudent hominum; sic quotquot in arce
 Æthereæ vitam ducunt sine fine beatam,
 Diuorum gaudent numeris accedere Dikos.
 Est Arabes inter, Tyria Sidonis & arua,
 Palmiferamq; Pharon, Libycis qua iungitur oris,
 Et mare quod lato fœcundam gurgite Cyprium
 Alluit, Assyrii pars non ignobilis agri,
 Terra ferax, belloq; potens, & splendida cultu.
 Hic vetus Andromeda vinclis insignis Ioppe;
 Antiqua prior illunie, mundiq; ruinis.
 Hic reliquas inter Solymorum nobilis vrbes
 Vrbs iacet, eximio templi prælustri honore.
 Hic sacra triticeæ Cereris domus eminet, atque
 Nazareth ostentat parua fastigia molis.
 Hic virgo desponsa viro, cui nomen Ioseph
 Stirpis Iessææ tectis habitabat in arctis.
 Huc mittit celerem celi per inane ministrum,
 Rex qui perpetua mundum ratione gubernat,
 Qui casta diuina ferat mandata puella:
 Virginea dicat sanctum quod numen in aluo
 Conciperet, ferretq; sacros sine semine partus.
 Nec mora, carpit iter motis archangelus alis,
 Qualis vbi summo stagnantia flumina monte

Despexit cygnus, niueo vestitus amictu,
 Nec sibi dat requiem, donec potiatur amatis
 Victor aquis: Zephyris sic ille iuuantibus ibat,
 Et iam palmifera tractum regionis inibat,
 Cum videt haud humiles voluentem pectore curas
 Reginam, paruo siquidem sua vota sacello
 Narrabat superis, tedas exosa iugales,
 Assiduis veterum studiis oracula voluens,
 Peruigiliq, legens cura Mosemq, piūmq,
 Esaiam, maestisq, virum qui versibus urbem
 Deplorat Solymam, sanctiq, poemata regis,
 Qui tetricis olim fidibus cantabat ad aras,
 Sacraq, fatidico psallebat ad orgia cantu.
 Ipsam autem securam animi, latamq, videres
 Authorem sperare suum, namq, affore tempus
 Quo sacer aethereis delapsus spiritus astris
 Incorrupta pia compleveret viscera matris,
 Legerat: hanc vocitat bis terq, quaterq, beatam.
 O nimium felix, inquit, nimiumq, beata,
 Casta cui sacro turgebunt viscera partu,
 Quae saluo fies genitrix veneranda pudore!
 Non te crediderim mortali stirpe creandam,
 Quam sacri tanto vates dignantur honore,
 Aurea tu reuehes Saturni secula regis,
 Irati septum limen referabis olympi.
 O mihi si quando inbar hoc spectare liceret,
 Edita quo terras cantabitur illa per omnes.
 Ecce repentino penetrat secreta volatu
 Angelus, & subita perfundit luce sacellum.
 Illa timens, vultum iuuenis miratur, & ora.
 O si quae nostra viuunt atate puella
 Casti seruarent sic ornamenta pudoris,

Non

*Non passim Danaïs tam multas aureus imber
 Vinceret, Egisthus non sic regnaret adulter,
 Penelopa plures, Helenarum rarior esset
 Prouentus, Veneris procul essent iura proterua.
 Angelus arguto trepidam sermone salutans,
 Pone metus, inquit, superis gratissima virgo:
 Letus ab aetherea venio tibi nuncius arce,
 Aeterni iucunda ferens mandata tonantis,
 Conceptura novos vlllo sine semine foetus,
 Et prolem paritura Dei, cui nomen Iesit
 Impones, populi siquidem delicta piabit.
 Hinc animum virgo sedato pectore firmans
 Substitit, & placido breuiter sic incipit ore:
 Nil non posse Deum constanter credo, sed istud
 Dic quas, quānam credas ratione futurum?
 Nil non posse Deum credis sanctissima virgo?
 Hoc etiam fidei specioso nomine quidam
 Se iactant, breuibz Gyris & carcere digni,
 Heretico vitata gerant quod pectora felle.
 Qualibus altaris rident mysteria sannis
 Dy superi, stultis blaterantes argumentis,
 Id fieri prater natura iura potentis,
 Pluribus vno, vnum ut spatiis sit tempore corpus:
 Nunquid natura dominum quem lege coërcent,
 Omnia posse negant? Procul è procul ergo profani
 Discedant, lasi vel placent numinis iram,
 Harescos tetra vacuantes pectora labe.
 Subiicit hand multis caelestis nuncius aula:
 Ipse tuam Domini foecundam spiritus aluum
 Influet, implebitq; potenti viscera partu,
 Flammifero veniens calo atque micantibus astris.
 At tu virginum mirata tumescere ventrem*

*Herebis paritans, demum formidine pulsa
 Gaudia seruati, capies inopina pudoris.
 Nēne hac vana putes, dictis aut territa nostris
 Indubites, sera audum concessa senecta
 Dona oculos pone ante tuos, nam sanguine auiso
 Functa tibi mulier (sterilis licet illa, grauiq;
 Pressa auro) hand quaquam speratum hoc tempore pi-
 Fert vtero, & felix sexto sub mense laborat. (gnus
 Usque adeo magno nil non superabile calo est.
 Si Deus ipse tuam veniens est lapsus in aluum
 Gressibus occultis, tuaq; intra viscera corpus
 Ipse sibi formans post nona tempora Phæbes
 Exist, humana velatus imagine formæ:
 Cur non virgo tuum numen veneremur, & omnes
 Calicolas inter primo dignemur honore,
 Post natum, natiq; patrem cum pneumate sacro?
 His dictis regina oculos ad sidera tollens,
 Celestiumq; domos superas, atque aurea tecta,
 Annuit, & taleis emisit pectore voces:
 Jam iam vince fides, vince obsequiosa voluntas,
 En adsum, accipio venerans tua iussa, tumq;
 Dulce sacrum, pater omnipotens, ne despice seruam.
 Sic sic virginitas, simplex prudentia, velox
 Et matura fides, humilisq; modestia, gratos
 Efficiunt homines superis, rerumq; parenti.
 Tum diuina grauem subitis conceptibus aluum
 Extulit, atque sinus soboles extendit onustos.
 Sicut in adductos penetrat cum lubrica folles
 Aura, cauenosum surgens tumor exit in orbem.
 Sed iam longinquum spacio confecimus aquor.
 Nescere parue puer, pressas caligine mentes
 Mortifera, veri perfundas luminis ortu.*

Nascere

*Nascere parue puer, mundi melioris origo,
 Aduehe turbatis Saturnia sacula terris.
 Nascere parue puer, mundi sator, arbiter orbis.
 Nascere parue puer, nostros quem soluere nexu
 Et voluit tantos genitor perferre labores.
 Sunt quos mendaci delectet gloria fuko,
 Elatoq; velint contingere vertice calum,
 Immemores vili se natos puluere terra;
 Nascere parue puer posito splendore, superbos
 Docturus quam sit tibi grata modestia mentis.
 Sunt quos magnifico delectent atria cultu,
 Regia Phocaicis instructa tapetibus aula,
 Nascere parue puer, siluestribus horrida culmis
 Stat casa, quam volucris perstringit turbine ventus,
 Hic ortus capias primordia Christe, videbunt
 Paupertas humilis summo quod iuncta tonanti
 Gravior Attalico sit cultu, auriq; talentis.
 Sunt quos ingrati vitium sic pectoris urat,
 Ut vix agnoscant proprium Dominumq; Deumq;
 Nascere parue puer, te cum bone tardus asellus
 Agnoscent, tepidum spirantes ore vaporem.
 Quid facimus male grata cohors? animalia bruta
 Nos vincunt pietate, gradum renocare necesse est,
 Et puer hic nostro loquitur quem carmine musa,
 Omnibus est memori nobis pietate colendus,
 Ne post offensi nequeamus iudicis iram
 Flectere, cum iusto librabit pondere, quidquid
 Vel faciunt homines, dicunt vel pectore versant.*

41

IN MONSTROSAM
EFFIGIEM CARMEN AD
LECTOREM CANDIDVM.

HOrrida deformis qui spectas schemata monstri,
Et quid portendat discere fortè cupis:
*Arrige purgatas subscriptis versibus aures,
Mox poteris voti compos abire tui.*
*Vrbs opulenta iacet stagnantis ad Albidos undas,
Nomine VVeinmariam Saxonis ora vocat.*
*Hec vanis quondam scriptis delusa Lutheri,
Nunc sectam sequitur pica Picarda tuam.*
*Vndosis, titubant semper, ceu fluctibus acti
Qui veram Christi deseruere fidem.*
*Nunc huc, nunc illuc incerta mente feruntur:
Queis fidibus multis luditur una fides.*
*Non aliter, quàm cum digito saliente vocatur,
Atque leues agitat rustica turba choros,*
*Lux aderat toti populo celebranda piorum,
Qua datus etherea spiritus arce fuit.*
*Cum duo, vulgata quos dicunt voce ministros,
Qui non vnius religionis erant,*
*Scandere suggestum populumq, docere pararent,
Qui sub VVeinmaria mœnibus vrbs agit.*
*Hic in mendacis iurarat verba Lutheri,
Caluino dederat nomen at ille suum.*
*Par utrique fuit studium mendacia vulgo
Dicere, vulpina neçtere fraude dolos.*
*Hoc sunt ingenio qui dogmata falsa tuentur,
Vt secum multos disperiisse velint.*

C 5

Hoc,

Hoc, inquam, cupiunt, tamquam palmari res sit,
 Nomen ab affectis conciliare sibi.
 Sunt celebres certè, si laus est fallere multos,
 Quorum decipitur credula turba dolis.
 Interea vario dum pugnat vterque tumultu,
 Dum sibi deberi clamat vterque locum:
 Astitit hos inter mirando schemate monstrum,
 Quale tulit pariens Gnosia mœcha bonem.
 Immanem siquidem referebat vertice taurum,
 Terribilis lata fronte iuuenctus erat.
 Lumina Gorgoneo rutilabant sauius angue;
 Vincebant oculum quæ Polypheme tuum.
 Pigrum dixisses Lycia de gente molossum,
 Tam monstrum longis auribus illud erat.
 Ora Leonis erant patulo, sed hiantia rictu,
 Qualia Samsonis dissoluere manus.
 Non illi vestes Gatulo murice tinctæ,
 Purpura non illi bis saturata fuit.
 Linea vestis huic multa fuligine tecta,
 Nigrior Illyrica, Nariciâq; pice.
 Aetnæis fuerat Cyclopum forsan in antris,
 Cudit vbi superis Lemnius arma faber.
 Multum dissimilis Bryaræo, brachia nulla,
 Sed bubulos habuit lurida forma pedes.
 Corporis haud caussa monstrum compono giganti,
 Quod potuit ternos vix superare pedes.
 Sed quid opus multis? Si queris, lector amice,
 Sub tali spectro quid latuisse putem:
 Si non Caluini, si non fuit umbra Lutheri;
 Certè tartarei demonis umbra fuit.
 Nam velut in medio Dominus solet esse suorum,
 Sic inter tales damones esse solent.

DE GALLIS IOCUS.

45



IRVM sæpè fuit tuo clienti,
Primum Castalia decus cohortis
DVASI, pater & patrone vatum,
Quonam Francigenæ furoris æstro

Huc rapti properent, uti ruinam
Regni percipiant sui videre,
Regni cuius honos, corusca quondam
Supra sidera splendor micabat,
Nec curent patrias opes tueri.
Fernet Gallia bellico tumultu
Lustris iam tribus, amplius minnsue.
Ciuiles acunt tuba maniplos,
Intestina ruunt in arma bello.
Omnis in proprio natat cruore
Tellus Francigenarum cadauerosa.
Tabo iam Ligeris fluente, ripas
Intra se nequit suas tenere:
Imò puniceis aquis, marinos
Fluctus iam potuit nouo colore
Tinctos, à propria mouere classe.
Errant semirutas lupi per vrbes,
Humanosq; vorant licenter artus,
Humanosq; sitim cruore pellunt.
Quid multis? superant modum querela
Omnem France tui theatra luctus.
Nec vllum video tamen malorum
Finem, tam rabido ferox Erinnyes
Excantare potest furore mentes,
Quas complexa suis flagellat hydris.
Hi non conueniunt iocis dolores.

Miscen-

Miscentur malè sletibus cachinni.
Sed nostra veniam dabis Thalcia
Spero, qui tuus est patrone candor,
Si quod dum fluvium pererro Mosa,
Nammurcensis iens ad urbis arcæ,
Arces, quas Hymenæus excitato
Tumplausu recreans, thori iugalis
Aptabat Duica faces puella,
Faces ingenio tuo celebres,
A quodam memini satis facetè
Narratum, numeris Catullianis,
Quorum ritè potes parens vocari,
Vt quos in tenebris diu sepultos
Luci restituens resuscitaris,
Candori referat tuo DV PASI.
Legatum Geticus tyrannus olim
Misit Luligeri ad Ducis penates,
Qui cùm Parrhisios subisset, illo
Bacchi tempore festa quo coluntur;
Sub larvis agiles choros videbat
Ductari pueris, viris, puellis,
Cultos femineo viros paratu,
Mentitas habitu viros puellas.
Ad spectacula stupet, putatq; mentis
Isthac symbola percita furore.
Paulo post, Cinerum die reducto,
Cùm frons pulueribus sacris notatur:
Pallenti populum videbat ore
Celi numina supplicem vocare.
Plebs mutata Getæ fuit stupori,
Et numen cineri subesse credens,
Quo lymphaticus effugatur error:

Hunc

Hunc emptum cinerem velit talento,
 Ut quem Bistonio Duci placere
 Multis posse putet magis talentis.
 Hoc secum tacitus volutat, atque
 Subductis rationibus, parandi
 Vestigat cineris modum sacra-
 Mentem sollicitam, nouo subinde
 Frons distincta colore, pradicabat.
 Quod quidam fieri notans frequenter,
 Coniungens lateri latus, rogabat
 Num quis scrupulus anxium teneret.
 Is desiderium suum fatetur,
 Astutoq; doli ministrat ansam,
 Nam spem continuo facit parandi
 Huius pulueris, impetrante nummo,
 Arcanum tacita, sed esse lingua
 Tegendum monet, aut ait futurum
 Ut sit supplicio sibi cadendum,
 Quod res Christiadam sacras profano
 Venales homini sit obtulisse
 Multandum gladio nefas bipenni.
 Gaudet Threicius, fidemq; firmat
 Donato taciturnitatis auro,
 Et magno cineres recondit emptos,
 Hos plaris tamen estimans emendos,
 Tum grandem veluti sit affecutus
 Rem, terra repetit sua monarcham,
 Ac promens cineres, inesse numen
 Illis non dubia fide probabat,
 Ut qui visa sibi referret, hinc est
 Cur iam Francigena suo furori
 Quo se tam misere suosq; perdunt,

Nullum

*Nullum repperiant lenamen usquam,
Hos postquam cineres Getæ abstulerunt.*

DE QVODAM QVI PVELLÆ

PRIVS A SE, QVOD PVDICITIAM
prostituire nollet, interfectæ, stu-
prum obtulit.

Æ Vi scripturus facinus memorabile nostri,
In mea Pierides vota fatigo nonem.
Nulla sed exaudit clamantis vota Poëta,
Surdui ad nostras iam chorus ille preces.
Sed tamen aggrediar tenui subtegmine carmen
Texere, rem notam versibus esse docet.
Hesperius nostris miles versatus in oris,
Dum sequitur quò se fœda libido vocat:
(In Venerem gens illa furit sine lege modòq,
Quod vitium patrie forsitan esse potest)
Incidit in castam lugenda sorte puellam,
Dignaque fortuna quæ meliore fuit.
Atque pharetrati furis raptatus Amoris;
Vim parat, & Veneri libera fræna facit.
Calcibus illa stuprum, manibûsq, repellere tentat,
Et potiora nece hac damna pudoris habet.
Hoc utinam quævis sit prædita pectore virgo,
Non tot Laidule Thaiduleq, forent.
Perstat amator atrox dum spe potiatur, & audet
Pugnantis ferro dilacerare caput:
Illa nihil commota: negat succumbere, nec vim
Curat, quæ precibus non dedit antè locum.
Quid multis? vitium prius haud est passa, cruento
Quàm gladio vita despoliata cadat.

O CYN-

O crudele nefas, viduatum luce cadauer
 Infando Veneris commaculare probro!
 Hæc licet eisdem prognatus origine gentis,
 Narras praesidi miles Ibere Duci.
 Quis crudele queat scelus inuisumq; silere?
 Quis ferat in proprio talia facta patre?
 Furna dein rapitur cæci sub carceris antra,
 Expiet ut fuso sanguine latro nefas.
 Ecce dies deceta neci iam proxima calo
 Aduehitur; volucris præcipitata pede.
 Mittitur infando mystes qui fata latroni
 Nunciet, in celsa mox obeunda cruce.
 Ille sed (Hispane qua sit fiducia genti
 Disce, quod hac vna discere voce queas)
 Hispano quamuis deleri nomine culpam
 Dicit, & à mortis se procul esse metu:
 Rursus ut abscedat vane persuasio mentis,
 Supplicio, mystes, se paret, usque monet.
 Denique rem certam verbis monituq; frequenti
 Accipiens, animo multa subinde moxet.
 Quò tolerata, inquit, post funera credis iturum?
 Dixerat, iste refert: sidera summa petes,
 Umbra tibi plenum vegetat quæ sanguine corpus;
 Ad Paradisiacas est abitura domos.
 Hæc illi responsa nouis constare videntur
 Verbis, tam nulla religionis fuit.
 Ac exaudito Paradisi nomine, quondam
 Auribus insonuit vox, ait, illa meis.
 O stolidum crassumq; pecus rerumq; sacrarum
 Expers, Christicola nil pietatis habens!
 Quid precor audisti, si vox peregrina videtur,
 In qua sperata metu salutis erit?

Porro

Porro si certo quod nunc promittis habebo:

Nil, inquit, metuo tristia fata pati.

Adiiciensq, minas, & morsu pollicis vngue:

Id nisi contingat, numina iuro, caue.

DE LATROCINIO TRAIECTI

AD MOSAM IPSA NOCTE NATI-

uitatis Dominicæ in sacra D. Ser-

uatij æde perpetrato,

An. 1575.

Nescio quo celebrent Hispani gaudia ritæ,
Et quo transmittant tempora sancta modo,

Annua cum redeunt casti miracula partus,

Quo Deus è pura virgine factus homo est.

Quis gaudere vetet? sed gaudia vana frequentant,

Et qua scurraprocax vix celebrare velit.

Traducunt illam siccantes pocula noctem,

Ponè subit turpis pocula multa Venus.

Et quam damnabant gentis decreta Latina,

His etiam pernox alea iacta cadit.

Quorsum hac? narrandi quoniam hinc mihi nascitur

Usus Traiecti nuper in vrbe nefas.

(ordo:

Venerat ad metam series renolubilis anni,

Ad Iani celerans festa bisfrontis iter,

Nascentis quando cunas reueremur Iesu,

Quo pax, vita, salus, reddita dante fuit.

Iamq, vocabantur medix sub tempora noctis

Ad matutinas plebsq, patresq, preces:

Cum quidam rabidi furis agitatius Orestis,

Ex Hispanorum latro cohorte ferox,

Patruis

Patranit facinus nulla delebile morte,
 Non etiam tauro seu Perille tuo.
 Hunc ubi nudasset damnoſa canicula nummis,
 Cérneret atque ſibi iam ſupereſſe nihil:
 Non tamen idcirco ludendi ponit amorcm,
 Nec ſtudioſum quo ſe perdidit, odit inops;
 Sed velut ignis edax flamma crepitante reſurgit.
 Acrior, affuſis quando rigatur aquis:
 Et velut incantus dum ſulcat nauis a pontum.,
 Rurſum ſaxa memor vertit ad iſta pedem:
 Sic licet obſtaret rigida Rhamnuſia vultu,
 Ardor ludendi pectora maior habet.
 Sed quo cum reliquis nudatus pignore certet?
 Non niſi præſentis luditur aris ope.
 Hoſpitiꝝ repetit ſoliti penetralia demens,
 Quæ quidam è regno paupere ciuis habet.
 Hoſpitis inde ſui tectum clamoribus implet,
 Vultu terribiles incutiente metus.
 Vult ſibi præſentis ponatur copia nummi,
 Jura vel hoſpitiꝝ iam violanda putet.
 Quid faceret furias formidans hoſpitis hoſpes,
 Illius qui iam ſenſerat antè manus?
 Nummos contemnit vite quo conſulat, atque
 Quicquid habet, mauult perdere, quàm cadere.
 O miſeri ciues, nati infelicibus aſtris,
 Quorum ſunt tali colla ſubacta iugo!
 Heretici fuci multo grauiora merentur,
 Aſt vtinam inſontes non premat illud apes.
 Vix ierat rurſus fædi ſub fornicis antrum.,
 Cum nummos talis perdit, vt antè, ſuos.
 Fauerat & quoniam primo fortui, a labori,
 Senſerat atque ſuas pondus habere manus:

Denuò pauperiem pro nummis hospitis urget,
 Ast è multicauo pumice poscit aquam.
 Quis dare quo careat possit? contunditur ergo,
 Elumbis media linquitur atque domo.
 Hinc abit & furis pectus maioribus implens:
 Vulnrag, & cades mente volutat atrox.
 Ingressusque Dei, quendam, sacraria, ferro
 Perfodit, & sacram sanguine spargit humum.
 Egregius verò fidei defensor auita,
 Per quem nulla illo sunt sacra facta die.
 Sed tamen admissio soluit pro crimine penas,
 Sub gabali trunco fata suprema ferens.
 Quàmque miser cadem tenebrosa nocte patrarat,
 Debnit exorto morte piare die.

ÆGIDIUS HOLY FRATRI
 LIBERTO SVO OMNIVM CHA-
 rissimo præceptori.

Ibra Solon scripsit, Spartanus iura Lycurgus,
 Sed vacui vera cognitione Dei.
 Vnde fit, ut pluriis faciam tua scripta Libertè,
 Quàm quacumque Solon, quaq, Lycurgus habet.
 Tu monstras quamam cali veniatur ad arcem,
 Tu vitam formas, pectus, & ora simul.

MATTHIAS EVSTATHII F. LL.st

BERTO PRÆCEPTORI SVO,
multis nominibus colendo.

Qui tua scripta legit, peccat (me iudice) si non
Te similem priscis vatis esse putet.
Magnus es eximia sribendi carminis arte,
Et veterum scriptis utiliora doces.

NICOLAUS HERVIANVS

F. LIBERTO, PRÆCEPTORI
suo charissimo.

Cum tua scripta lego, ludi mihi chare magister,
Arbitror ingenio numen inesse tuo.
Dulcibus utilium confundis dogmata rerum,
Hinc adfers nostro commoda tanta gregi.

THOMAS MASSOTTE F. LI-

BERTO, SVO PRÆCEPTORI
maximè obseruando.

Est mihi iucundum Phæbo Musisq; vacare,
Monstrat vbi tali Gnosias arte viam.

GVLIELMVS TAYE F. LIBERTO,

PRÆCEPTORI SVO MVITO
colendissimo.

Si mea lingua foret qualis Demosthenis olim,
Romani qualis vel Ciceronis erat;

*Non tamen assequerē, minimāue ex parte referrem
 Pro meritis laudes doctē Libertē tuas.
 Qui tua scripta legit cura vigilante: disertus
 Et sapiens nulla sit simul ille mora.
 Namque ea commendant facundia siue lepores,
 Et vitæ testes & documenta pia.
 Instar inexhausti fontis facundia lingua est.
 Hæc etenim multo flumine larga fluit.
 Eximius quare quis non te laudibus usque
 In calum, digno semper honore vehat?*

ALEXANDER CHASSEY SVO

VNICE CHARO PRÆCEPTORI,

F. Liberto Houthem,

Aonio si quis poscit de fonte liquorem:
*Hauriat hunc scriptis doctē Libertē tuis.
 Tanta tuis scriptis pietas, & gloria versus
 Tanta tui, ut latices hic rear Aonios,*

IOANNES BANELT LEODIVS,

PLVSQVAM PATERNA SANCTITA-

te colendo suo præceptori, F. Li-

berto Houthem.

Quos mihi Castalios fontes, quas Phocidos vndas,
*Magnifico vatū carmine turba canit?
 Quæ mihi Parnassum memorant? quam laudibus A-*
Extollunt? Helicon quid sibi collis habet? serā
Casta-

*Castalios bibat hic latices, dormitet in Ascrea
 Qui volet, ut Phœbi numine plenus eat.
 In te non frustra mi chare Liberte quiesco.
 Sunt hac in scriptis omnia namque tuis.*

MARTINVS BANELT, F. LIBER-
 TO PRÆCEPTORI SVO, PERPE-
 tua Pyladæaque fide colendo.

A Onios mihi dent superi penetrare recessus,
 Ut te sincero semper amore colam:
 O mi Præceptor, vel me mihi charior ipso,
 Commoda cum tanto nostra labore iuves.

FINIS.

A P P R O B A T I O.

Libellus hic, cuius titulus est, *Ethica vite ratio*,
nihil habet Fidei catholicæ contrarium:
quod attestor

Gislenus de Vroede

Suffraganeus Mechliniensis.

Actum, 12. Septemb. Anno 1577.

5262796

